



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-592-4/23**
Datum: **20.02.2024. god**

«Agencija za vodno područje rijeke Save» Sarajevo rješavajući po zahtjevu pravnog lica, «HIDROGRADNJA» d.d. Sarajevo - u stečaju, za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji kompleksa kamenoloma «Greben» u naselju Pope, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu, «HIDROGRADNJA» d.d. Sarajevo - u stečaju za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji kompleksa kamenoloma «Greben» u naselju Pope, općina Kakanj
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik kompleksa objekata, za vrijeme trajanja ove dozvole, obezbjeđuje da se tehnološke otpadne vode nastale na platou kompleksa nesmetano sakupljaju sistemom slivnih linijskih rešetki te zajedno sa onečišćenim oborinskim vodama sa prostora pretakališta, saobraćajnih i manipulativnih površina odvođe do objekta predviđenog za tretman otpadnih voda (separator ulja i masti), a zatim ovako tretirane vode ispuštaju u potok Bijele vode.
 - 2.3. Prečišćene otpadne vode moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24).
 - 2.4. Objekte čija je svrha odvođenje i prečišćavanje otpadnih voda (obodni kanal, taložnik, separator ulja i masti, slivne rešetke, kanalizaciona mreža...) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno taložnika i separatora ulja i masti i može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.5. Skladištenje nafte i naftnih derivata (za internu upotrebu) vršiti u podzemnom dvoplašnom čeličnom rezervoaru zapremine 50m³ postavljenom u posebno ograđenom dijelu kompleksa.
 - 2.6. U blizini interne benzinske pumpe, osigurati priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.7. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.8. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.

- 2.9. Da se sa opasnim i štetnim materijama (eksplozivna sredstva i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode.
- 2.10. Talog iz taložnika i separatora ulja i masti, opasne materije kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.11. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu prije ispusta u potok Bijele vode u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.
- 2.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.13. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik odnosno korisnik kompleksa objekata je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, vlasnik odnosno korisnik objekta je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog kompleksa objekata obavezan je izvjestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «HIDROGRADNJA» d.d. Sarajevo - u stečaju podnijelo je ovoj Agenciji dana 19.12.2023. godine zahtjev za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji kompleksa kamenoloma «Geben» u naselju Pope, općina Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-16-004891 izdatog dana 20.04.2017. godine od strane Općinskog suda u Sarajevu,
- Kopija Uvjerjenja o poreznoj registraciji izdatog dana 10.05.2017. godine od strane Porezne uprave Federacije BiH – Kantonalni porezni ured Sarajevo,
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-2794-2/17 izdatog dana 22.05.2017. godine od strane Uprave za indirektno – neizravno oporezivanje Banja Luka,
- Punomoć zastupnika podnosioca zahtjeva broj: 3947/23 od 15.12.2023. godine,
- Kopija Rješenja o odobrenju za građenje broj: 12-23-1270/07 od 11.07.2007. godine i Rješenja o upotrebi broj: 12-23-2502/08 od 12.03.2009. godine za objekat betonare u sklopu kompleksa Pogona «Kakanj» izdatih od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja broj: 04-18-10521-1/19 o izvođenju radova, gradnji objekata i postrojenja na osnovu Dopunskog rudarskog projekta - Nastavak eksploatacije laporovitog krečnjaka u južnom dijelu ležišta do kote terena K+470m na PK kamenoloma «Geben» kod Kaknja izdatom dana 22.01.2020. godine od strane Ministarstva za privredu/gospodarstvo Zeničko-dobojskog kantona,
- Glavni projekat prikupljanja, odvodnje i tretmana otpadnih voda kamenoloma «GREBEN» u Kaknju urađen od strane «ES HYDROTECHNICS» d.o.o. Sarajevo, juli 2011. godine, na uvid,
- Kopija Rješenja o vodnoj dozvoli broj: UP-I/25-3-40-246-6/19 izdatog dana 30.08.2019. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: UP-I-05/2-23-11-91/17 izdatog dana 15.04.2019. godine od strane Federalnog ministarstva okoliša i turizma Sarajevo,
- Kopija Ugovora o izvođenju radova na čišćenju separatora broj: 865/23 zaključenog dana 27.01.2023. godine između «DELTA PETROL» d.o.o. Kakanj i «HIDROGRADNJA» d.d. Sarajevo - u stečaju,
- Kopija Radnog naloga o čišćenju taložnika i separatora broj: 14/12/23 od 12.12.2023. godine izdatog od strane «DELTA PETROL» d.o.o. Kakanj,
- Kopija izvještaja o monitoringu kvaliteta i kvantiteta otpadnih voda objekata «HIDROGRADNJA» d.d. Sarajevo Pogon Kakanj broj: 1417/23 od 16.10.2023. godine urađen od strane «Inspekt-RGH» d.o.o. Sarajevo,
- Kopija Rješenja broj: UP1-14-21-2-08624/2023-1406-3-P izdatog dana 17.11.2023. godine od strane Vodnog inspektora Federalne uprave za inspeksijske poslove,
- Dokaz o uplaćenju upravnoj taksi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog kompleksa objekata u naselju Pope, općina Kakanj i tom prilikom je sačinjen Zapisnik o uviđaju broj: UP-1/21-3-40-018-2/24 od 06.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Eksploataciono polje kamenoloma «Geben» za eksploataciju mineralne sirovine lapora i laporovitog krečnjaka, nalazi se u naselju Pope sjeverno od Kaknja i ograničeno je sljedećim prelomnim tačkama:

Prelomne tačke	Y	X
1	6 510 270	4 889 200
2	6 510 320	4 889 000
3	6 510 320	4 888 005

4	6 510 425	4 888 915
5	6 510 495	4 888 842
6	6 510 495	4 888 750
7	6 510 440	4 888 670
8	6 510 478	4 888 535
9	6 510 467	4 888 423
10	6 510 400	4 888 315
11	6 510 305	4 888 187
12	6 510 200	4 888 050
13	6 510 085	4 888 070
14	6 509 971	4 888 163
15	6 510 028	4 888 236
16	6 509 975	4 888 285
17	6 509 958	4 888 327
18	6 509 750	4 888 430
19	6 509 750	4 889 000
20	6 509 900	4 889 000
21	6 509 900	4 888 200

Površina eksploatacionog polja u granicama prelomnih tačaka od 1 do 21 iznosi cca 62 ha. Kamenolom «Greben» koji je prostorno ograničen rijekom Zgošćom i potokom Bijele vode i koji trenutno čine etaže iskopa otvoren je sa vrha brda Greben. Dosadašnjom planskom eksploatacijom ušlo se u utrobu brda sa malim bočnim otvaranjem terena. Mineralna sirovina, lapor i laporoviti krečnjak se koristi za proizvodnju cementa u «Tvornici cementa Kakanj» d.d. Kakanj koja je dana 12.09.2000. godine zaključila Ugovor o koncesiji za predmetni kamenolom sa Ministarstvom za industriju, energetiku i rudarstvo Zeničko-dobojskog kantona na period od 30 godina a sa pravnim licem, «HIDROGRADNJA» d.d. Sarajevo – u stečaju ima zaključen Ugovor o pružanju usluga vađenja i isporuci mineralnih sirovina i transport sirovine.

Snabdijevanje pitkom vodom za potrebe uposlenih se vrši nabavkom flaširane vode dok se voda za tehnološke potrebe i hidrantsku mrežu koristi iz potoka Bijele vode. Sanitarno-fekalne vode iz sanitarnih blokova za uposlene se prikupljaju zasebnim kanalizacionim sistemom te ispuštaju u septičku jamu.

Na istočnom dijelu platoa kompleksa, u ograđenom prostoru, postavljen je čelični, podzemni rezervoar kapaciteta 50m³ sa istakalištem za snabdijevanje gorivom vozila preduzeća.

U sklopu kompleksa instalirana je betonara tip AB-35 «Progres Mladenovac» kapaciteta 22m³/h koja nije u funkciji od 2012. godine. U sklopu betonare izgrađen je sistem kanala za prihvati i odvodnju otpadnih voda nastalih u procesu spravljanja betona do zasebnog taložnika.

Na dijelu platoa kompleksa izgrađen je obodni kanal za prihvat i odvodnju oborinskih i voda nastalih obarenjem prašine prema betonskom taložniku (dim 6,5x3,0m).

Za predmetni pogon je u ranijem postupku, dana 30.08.2019. godine, od strane ove Agencije doneseno Rješenje o vodnoj dozvoli broj: UP-I/25-3-40-246-6/19 sa uslovom datim tačkom 3.2. koji je u potpunosti ispoštovan tj. realizovani su radovi predviđeni projektnom dokumentacijom urađenom od strane «ES HYDROTECHNICS» d.o.o. Sarajevo, juli 2011. godine. Izgrađen je sistem kanala sa linijskim slivnim rešetkama za prihvat i odvodnju onečišćenih otpadnih voda sa radnog platoa kompleksa (ispred radionica, prostora oko istakališta benzinske pumpne stanice, platoa za popravak vozila) koje se zajedno sa prikupljenim oborinskim onečišćenih vodama sa prostora oko trafo stanice, parking i manipulativnih površina i izbistrenom vodom iz taložnika odvođe na tretman u instalirani separator ulja i masti. Nakon tretmana u separatoru ulja, prečišćene vode se preko izgrađenog okna za monitoring ispuštaju u recipijent-potok Bijele vode.

Sa firmom «DELTA PETROL» d.o.o. Kakanj potpisan je ugovor o čišćenju taložnika i separatora i zbrinjavanje opasnog otpada (priložen radni nalog od 12.12.2023. godine).

Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za oktobar 2023. godine urađen od strane «Inspekt-RGH» d.o.o. Sarajevo d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog kompleksa objekata u naselju Pope, općina Kakanj i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama člana 53. i 116. Zakona o vodama i člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 14. i 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14).

Konstatuje se da je podnosilac zahtjeva, «HIDROGRADNJA» d.d. Sarajevo - u stečaju ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja eksploatacionih radova na lokaciji kompleksa kamenoloma «Greben» u naselju Pope, općina Kakanj te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-592-2/23 od 19.01.2024. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.grad.

Po ovlaštenju

Rukovodilac Sektora za izdavanje vodnih akata



Haris Ališehović
Haris Ališehović, dipl.ing.grad.

Dostaviti:

- «HIDROGRADNJA» d.d. Sarajevo - u stečaju
ul. Izeta Čomare bb, 71210 Ilidža
- AVP Sava, ISV – Vodna knjiga
- Sektor 50
- ⊕ Sektor 40 - arhiva
- Oglasna ploča - AVP Sava